

7 3190/3328.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

2

永順縣志

建置志

郡邑既設必置城池公

府庫

郵傳

津渡

以出政治通聲教謹積儲速公務便行旅

也矧永新闢地又附郭首邑詎不較他邑尤重也

今興建營造次第就緒悉錄之以備稽考志建置

廣元王伯麟識

城池

李氏曰永邑舊土司地亦有城垣然負險而居非

都會之所雍正七年奉



旨設官分治築城垣時 巡察院唐見猛洞之地沙明
 水秀平陽曠濶可以建城先行摺奏後 劄而司
 撫憲趙 安置六里親率文武官僚於此相度以
 建城為宜因指示祠宇衙署諸處遂請將土司呈
 獻官庄田地與土民更換地土築城城週圍五里
 三今高一丈九尺加女牆三尺初議以土夯築
 上贅用力詳請咨達嗣以永邑土質多沙不能經
 堅舉也 久一府四縣各捐養廉議改石城詳允建置設五
 門城樓各五座高二丈六尺東曰朝陽南曰文昌

大西門曰來儀小西門曰義和北曰拱辰炮樓一
 十四座共費

國帑一萬七千二十一兩三錢七分六釐內外俱砌
 石所用丁石鵞石等項費去銀四千五百餘兩
 郡尊袁諱承寵捐銀三千兩前邑宰李諱瑾捐銀
 一千五百餘兩共勦盛舉興工於壬子年四月二
 十四日落成於癸丑年五月二十六日雉堞環營
 四面完固洵一郡之壯觀至池以衛城永邑雙水
 夾流不俱修鑿西則大河自玉屏山右環城而南

可通舟楫東則白砂河從左流繞至南門兩水交
合曲折而出巽方即辰州北河之源此建置之大
端也

改建石城始末節叙兩司會詳稿

為飭議事本司等會查得永龍保桑四縣城垣奉
憲臺批飭檄司會議當即轉行該府逐一詳查確議
去後今據該府行據永順縣詳稱永順土性雖屬
有砂非不可建築城垣但不若石城可垂永久明
知養廉有限如力不逮尚可典貸告成何敢派累

皇仁

等情又據保靖縣詳稱從前估計以動帑圖其省
今之請改願捐亦以不增帑項圖其成將內城石
移砌於外少石三尺所需約如所捐之數足為力
所能勉敢萌不肖私心耳以性命殉之等情又據
龍山縣詳稱改建石城捐貲建造實出卑職身沐
憲德正當竭盡駑駘即借貸變產亦所樂從斷
不敢借端派累自干嚴譴等情又據桑植縣詳稱
卑職城基東南背山西北臨水非不可築土城但
日引月長難保傾頽貽累後患明知養廉有限求

免後患即典貸亦必竭力辦理何敢派累以辜愛
惜邊氓德意即據永順府亦稱願捐銀三千兩係
兩歲養廉並非沽名期免日後傾圮之累等情議
詳前來本司等覆查此案城垣先經該府縣估定
高寬丈尺形勢需用碑石等項造冊詳請
題達奉文遵照在案似不得擅行議更議改以瀆
憲聽者也該府因見所築衙署圍牆土性帶砂有隨
築隨倒之患是以計及城垣有移內石砌外之議
無非圖其堅固可垂永久諒不敢萌不肖之心以

自貽伊戚也茲各該縣均以堅固為詞願捐而且
有身家性命之憂情詞剴切似非虛假至將來造
報如以土城報銷難免朦混應將內石移外各捐
聲明在

大部必以經久者稱善似不干駁詰者也茲據前
情相應聯銜會詳奉

督憲批如詳轉飭上緊建築造報仍候

撫部院批示繳奉此又奉

撫憲批仰候

督部院批示繳各等因奉此

萬壽宮在城東門內殿三進

朝房東西各五楹局

度宏殿規模整肅前任知府駱為香知縣陳朝圭

捐建

公署

文職

提督學院行轅

即考棚

在城東南隅乾隆二年

陞縣徐令領 帑創建

本府署 在城正中雍正十年陞任本府袁領

帑創建

清軍廳署 在縣東南境古仗坪離城一百三十

里雍正 年前任戎府朱領 帑創建

糧捕廳署 在桑植舊司城

經歷司署 在府署頭門外右邊雍正十年前任
經歷謝昌言領 帑創建

府學教授署 在城西北隅府學之左雍正十三
年教授段穎聰領 帑創建

永順縣署 在城西隅中建大堂三間堂後東西
各二間次建二堂三間後建住房三間東西廊
各三間立圍牆開虎坐門東廚房三間大堂前
東西各六間為六房辦事之所儀門之東南向
土地祠三間門一間西為監房正大門三間東

西各二間班皂居之共房四十四間雍正十年
前任知縣李瑾領 帑創建並監庫共費九百
六十一兩三錢四分五釐

捕衙署 在縣儀門之右大門一間二門一間東
西書皂房二間大堂三間二堂三間住房三間
廚房一間書房二間共用銀一百八十八兩七
錢三分雍正十年典史閻繡領 帑創建乾隆
六年典史陳尚義添建書房一間
施溶司巡檢署 在縣治東王村市離城九十里

雍正九年前任巡檢王進孝領帑創建其間
數銀數俱與捕衙署同

田家司巡檢署 巡檢缺裁 原設於舊司城嗣詳

請移駐永定衛城雍正十年前任巡檢朱士魁

領帑建署其銀數間數俱與捕衙署同乾隆

元年永定設縣田家司巡檢缺裁其署存

縣儒學訓導署 在城北隅縣學宮之左雍正十

三年訓導黃日炳領帑創建

武職

永順協署 在城東北雍正十年陞任本府袁

領帑創建

永順協中軍都司署 在城東南雍正十三年陞

任本府袁領帑創建

專城把總署 今為千總署 在城東北隅雍正十

年陞任知縣李瑾領帑創建

王村公館 在縣城離城九十里雍正十三年前

陞縣徐正恩捐建 南離城四十里

夾樹坪公館 在縣西離城五十里乾隆五年知

文縣王伯麟捐建

岩弄磯公館 在縣南離城四十里雍正十年前

陞縣李瑾捐建

城中義學 在縣署左乾隆三年前陞縣徐正恩

捐建

老司城義學 在縣東離城三十里乾隆三年前

陞縣徐正恩捐建

勺哈義學 在縣北離城二十里乾隆三年前陞

縣徐正恩捐建 每年赴 藩庫請領各給一

十六兩作館穀

後添設四處載學校志內

桂香書院

即文昌祠乾隆二十六年前任知府張諱天如改為崇文書院

在

縣學宮之右雍正十年前陞縣李瑾捐建並置

田一處據張世榮李永吉互爭司官帑戶田

河外火印斗四斗查每年入官帑八捆今將帑

豁免斷入以供香火 一處土名塔臥乍無水

田一十坵火印種三斗

倉庫

積貯倉 一城東門外倉十四間盤查廳一間外

頭門一間雍正八年陞任知縣李瑾領銀創建

貯積穀

乾隆三年陞任知縣徐正恩領銀於舊

倉旁添建倉廩五間

貯兵穀

一縣署左側圍

牆內倉廩十四間乾隆三年陞任知縣徐正恩

領銀創建

貯積穀

一王村倉二間乾隆三年

陞任知縣徐正恩領銀創建

貯兵穀

一旦武

營倉二間乾隆三年陞任知縣徐正恩領銀創

建

貯兵穀

大庫 在縣堂之左

附載

養濟院 在城東門外九間乾隆二年陞任知縣

徐正恩捐建

棲流所 在城東門外三間乾隆四年前署縣事

本府經歷謝昌言捐建

育嬰堂 在縣署左八間雍正十三年陞任知縣

徐正恩捐建

監獄 在縣署儀門之右監房三間獄主堂二間

外監二間頭門一間雍正十年陞任知縣李瑾

領 招創建

郵傳

一自郡城猛洞起至辰州府沅陵縣治大路交界止共一十二鋪

本城鋪掛號鋪司一名鋪兵四名

轍樹坪鋪鋪司二名

他砂鋪鋪司二名

岩弄磯鋪司二名

倚窩坪鋪鋪司二名

小農村鋪鋪司二名

楓香坪鋪鋪司二名

王村鋪鋪司二名

茅坪鋪鋪司二名

鐵匠鋪鋪司二名

高望水井鋪鋪司二名

焦坪鋪鋪司二名

一自郡城猛洞起至桑植縣治大路交界止共七

鋪

釣磯岩舖舖司二名

顆砂舖舖司二名

車坪舖舖司二名

馬落坪舖舖司二名

九道水舖舖司二名

排柴凹舖舖司二名

岩屋口舖舖司二名

一自郡城猛洞起至龍山縣治大路交界止共四

舖

戶坪舖舖司二名

勺哈舖舖司二名

大胡界舖舖司二名

伴胡舖舖司二名

一自郡城猛洞起至保靖縣治大路洗溪河交界

止共四舖

七溪舖舖司二名

時鐵湖舖舖司二名

惹毛舖舖司二名

夾樹坪舖舖司二名

一自郡城猛洞起至王村轉述南路保靖白樓關

大路交界止共三舖

一碗水舖舖司二名

王家崗舖舖司二名

田家崗舖舖司二名

麟按永邑開闢之始原設三十舖共舖司六十

七名乾隆四年七月內奉文將鐵匠舖減舖

司一名添於叢樹坪又將高望界舖減舖司一

名添於古丈坪又將焦坪舖減舖司一名移於

黃土坡共撥去三名縣冊現存六十四名

津梁

本城猛洞河渡船二隻渡夫四名

王村渡船一隻渡夫二名

牛路河渡船一隻渡夫二名

榔溪渡船一隻渡夫二名

麻溪渡船一隻渡夫二名

共渡夫一十二名每名每年工食銀四兩共銀

四十八兩每年按季於藩庫三分公項銀內
支給渡船係領項銀三十六兩修造本城渡夫
四名存二名以一名撥戶坪渡龍頭里一名撥
勺哈渡龍山路麻溪二名以一名撥釣磯岩渡桑植
路沅陵除麻溪係領項修造餘
三隻陞任知縣李瑾捐設
麟按現在渡夫一十二名本城二名戶坪一名
勺哈一名王村二名牛路河一名列夕一名舊
司城一名自生橋一名釣磯岩一名擺里一名

雖與原設之處累異蓋因地制宜期於便利也
太平橋在縣東門外溪流環城而左至南門外
會猛洞出辰方入北河前陞任知縣李瑾造木
橋以濟上有亭屋賈人列肆其間

迎恩橋在縣東門外半里許河名白砂其源頗
遠前陞任知縣李瑾建造木橋上蓋亭屋與上
太平橋即八景之一所謂連橋新市也

自生橋在縣東三十里天然石橋土司舊志云
石駝背橫跨
如橋其下空敞兩面互詳前市村內
通達可容數百人

榔溪橋 在縣東南一百里榔溪可考土司舊志云彭顯英妻彭氏建久圯

竹橋 在縣東四十里顆砂街之右土司舊志云幕賓張天祐創即顆砂八景內之竹橋吟眺也

小龍村橋 縣南六十里原係土橋乾隆八年向啟蛟募修石橋路通王村大路

顆砂橋 在顆砂土司行署前長三丈濶二丈高二丈皆巨石所累土司舊志云彭世麒建今圯

聚龍湖上橋 在縣東六十里明隆慶三年彭翼

南母彭氏建今僅存舊址

聚龍湖下橋 在迴龍庵前

惹汝橋 在顆砂大道土人稱宜人惹汝建土司

妻封宜人久廢

顆亮橋 在王村大道顆亮坪俗名膏梁坪原彭

氏建未成橋木尚在今已修成

慈惠橋 在顆砂大道釣磯岩溪岸

汎防

永順協額設經制官六員馬步戰守兵丁八百名
詳請考拔外委六員在內乾隆二十六年副

將那蘭保詳准添設便委二員於乾隆二十七年
奉部議定以原設便委二員改為額外外委二
員

府城駐劄副將一員 中軍都司一員 存城把
總一員 外委把總一員 兵丁三百四十六名
實二百八名
王村駐防千總一員 兵丁二十名
鳳灘協防外委把總一員 兵丁十五名
旦武營駐防把總一員 兵丁三十名
土蠻坡協防外委把總一員 兵丁十五名

椰溪舊司治駐防把總一員 兵丁十六名
洗壩湖協防外委千總一員 兵丁十名
龍山縣城駐防千總一員 兵丁三十五名
他砂協防外委千總一員 兵丁十名
魯碧潭駐防把總一員 兵丁二十六名
大喇協防外委把總一員 兵丁十三名
永順縣永寧塘 乾隆二十五年副將那蘭保詳設知縣陳惠疇捐建
金魚潭塘 別些坡塘 虎視坪塘
勺哈塘 旁湖塘 牛欄溪塘

小井塘 樹坪塘 捧夕嶺塘

夾樹坪塘 惹毛塘 喇集溪塘

以上一十三塘安兵五十五名係存城把總

防外委把總協防

王村汎汎水 鳳灘汎汎水 博古坡塘

倚窩坪塘 小龍村塘 一碗水塘

田家峒塘 王家崗塘 南渭洲塘塘水

茅坪塘 水井塘

施溶溪塘塘水 桑木灘塘塘水

以上十三汎塘安兵八十四名係王村千總

汎鳳灘外委協防

旦武營汎 土蠻塘汎 新寨塘

洗溪塘 山棗溪塘 龍鼻嘴塘

以上六汎塘安兵七十名係旦武營把總

土蠻坡外委協防

椰溪舊司治汎 洗壩湖汎

巖門塘 顆砂塘 杉木村塘

萬民崗塘 西喇塘 李家坪塘

細砂壩塘

貯庫坪塘

賀虎塘

龍爪關塘

麻陽坪塘

以上二十三汛塘安兵六十九名係榔溪舊司

治把總崇汛洗壩湖外委協防

地輿志

昔周官錫爵裂土公侯伯子男各分治其封疆至秦改設郡縣相沿迄今要之畫疆定治其義一也永順古荒服地其以上下溪州名見諸載籍者自唐始而彭氏之得有其土以名爵使者自後晉天福五年彭士愁始其地內控諸蠻外為辰沅障蔽重崗復嶺水激石叢最稱險要謹臚列疆域形勝沿革物產各項見鳥言異服之區無不可為文物聲明之地蒞茲土者亦得以因地制宜也志地輿

廣元王伯麟識

疆域

永順城東一百六十里至烏溪河抵直隸澧州永
 定縣界南一百八十里至高望界葛竹溪抵辰州
 府沅陵縣界西六十里至施溪河抵同府保靖縣
 界西南二百里至喜鵲營抵辰州府乾州界西北
 一百六十里至岩屋口抵同府桑植縣界東西廣
 二百五十里南北袤二百三十里週圍幾一千里
 沿革

禹貢荊州之域天文翼軫分野乃古蠻地春秋時
 楚國之境也秦屬黔中郡漢屬武陵郡隋為辰州
 地梁為福石郡唐天授初析置溪州又為靈溪郡
 五代時為靜邊都又為大鄉三亭隴西等縣地屬
 楚馬氏宋初為永順州及上中下溪三州嘉祐中
 溪州刺史彭仕義叛臨以大兵仕義降熙寧中築
 下溪州城賜名會溪隸辰州元時彭萬潛改為永
 順等處軍民安撫司彭天寶又改宣撫司明洪武
 五年歸順六年陞為永順等處軍民宣慰使司設

流官經歷隸湖廣都使司領土知州三曰南渭州
施溶州上溪州領長州司六曰臘惹洞長官司麥
著黃洞長官司驢遲洞長官司施溶溪長官司白
崖洞長官司田家洞長官司各給印信
國朝順治四年宣慰使彭宏澍同長子彭肇桓率領
舍把并所轄三知州六長官五十八旂三百八十
洞苗蠻軍民人等投誠順治十四年頒給宣慰使
及六長官印信并設流官經歷一員雍正四年設
同知一員經歷一員六年土官宣慰使彭肇槐獻

地歸誠題奉

俞允改土歸流立府治以其地分二縣一曰永順一曰
龍山時保靖桑植二司亦適改縣治共四邑歸永
順府轄

彭肇槐獻土始末

彭肇槐宏海子雍正五年保靖土司骨肉相殘桑植土司暴虐不仁皆奉

吾改土歸流肇槐撫永順恭順無過能輯和人民土司

鄰郡皆稱其賢獨能顯顯向化懷獻土之誠時有鎮筭總鎮楊諱凱以桑植副將帶兵彈壓保靖道經永順彭肇槐以獻土意請商楊公深嘉其議肇

槐遂不謀於舍把人等率子景燧具呈督撫請題

呈稱生逢堯舜之世不得與於內地臣民之列深

自愧悔今造具家口冊籍繪具輿圖情願改土歸流並求安插江西祖籍量授武職微員効力圖報等語具題

皇上勅令前撫憲王親詢肇槐果出自誠心抑或

迫脅否肇槐稱世受

國恩情願改土歸流量授武職微員並非出自迫脅等語又辰沅靖道王諱柔面

奏肇槐情願改土歸流情詞懇切並非迫脅等語

皇上復令肇槐進京引見奏對稱

旨

皇上准其請授為叅將之職賞銀一萬兩予以拖沙喇

哈番世襲罔替著將家屬安插原籍江西吉水縣

遂

詔令設官分職議改永順司為永順府以永順縣為附

郭外設龍山一縣其保靖桑植皆設知縣屬永順

府轄復

詔令永順司原額秋糧銀一百六十兩永順龍山各分八十兩徵收其田畝令民自首給照免其丈量又

發帑金建城垣立學校開河道立市鎮置郵傳
修祠宇衙署等項有司遵奉建造凜遵

諭旨勸耕稼興黨塾宣揚

上諭化導愚頑於是永順千百年之草昧千百里之土

邊均得與被仁義禮樂之化皆彭肇槐獻土之功

也宜其榮膺顯秩爵及苗裔他日寢昌寢熾為豫

章望族不可預量哉

摘錄永順土司沿革始末

明史云永順漢武陵隋辰州唐溪州地也宋初為

永順州嘉祐中溪州刺史彭仕義叛臨以大兵仕

義降熙寧中築下溪州城賜名會溪元時彭萬潛

自改為永順等處軍民安撫司洪武五年永順宣

慰使順德汪倫堂厓安撫使月直遣人上其所有

偽夏印詔賜文綺襲衣遂置永順等處軍民宣慰

使司隸湖廣都指揮使司領州三曰南渭州曰施

溶曰上谿長官司六曰臘惹洞曰麥着黃洞曰驢

遲洞曰施溶溪曰白崖洞曰田家洞九年永順宣
慰彭添保遣其弟義保等貢馬及方物賜衣幣有
差自是每三年一入貢永樂十六年宣慰彭源之
子仲率土官部長六百六十七人貢馬宣德元年
禮部以永順宣慰彭仲子英朝正後期請罪之帝
以遠人不無風濤疾病之阻仍賜予如例總兵官
蕭綬奏酉陽宋農里石提洞軍民被臘惹洞長謀
古賞等連年攻劫又及後溪招之不從乞調兵剿
之謀古賞等懼願罰人馬贖罪乃罷兵正統元年

命彭仲子世雄襲職天順二年諭世雄調土兵會
剿貴州東苗成化三年兵部尚書程信請調永順
兵征都掌蠻十三年以征苗功命宣慰彭顯英進
散官一階仍賜勅獎勞十五年免永順賦洪治七
年貴州奏平苗功以宣慰彭世麒等與有勞世麒
乞陞職兵部言非例請進世麒階昭勇將軍仍賜
勅褒獎從之八年世麒進馬謝恩十四年世麒以
北邊有警請帥土兵一萬赴延綏助賊兵部議不
可賜勅獎諭并賜奏事人路費鈔千貫免其明年

朝覲以方聽調征賊婦米魯故也正德元年以世麒從征有功賜紅織金麒麟服世麒進馬謝恩二年進馬賀立中宮命給賞如例五年永順與保靖爭地相攻累年不決訴於朝命各罰米三百石六年四川賊藍廷瑞鄔本恕等及其黨二十八人倡亂兩川烏合十餘萬人僭王號置四十八營攻城殺吏流毒黔楚總制尚書洪鍾等討之不克已而為官軍所遏乏食乃佯聽撫劫掠自如廷瑞以女結婚於永順土舍彭世麟冀緩兵世麟偽許之因

與約期廷瑞本恕及王金珠等二十八人皆來會世麟伏兵擒之餘賊潰渡河官兵追圍之擒斬及溺死者七百餘人總制巡撫以捷聞獎賚有差論者以是役世麟為首功七年賊劉三等自遂平趨東臬宣慰彭明輔及都指揮曹鵬等以土軍追擊之賊倉卒渡河溺死者二千人斬首八十餘及巡撫李士實以聞命永順宣慰格外加賞仍給明輔誥命十年致仕宣慰彭世麒獻大木三十次者二百親督運至京子明輔所進如之賜勅褒諭賞進

奏人鈔千貫十三年世麒獻大楠木四百七十寸
明輔亦進大木脩營建詔世麒陞都指揮使賞蟒
衣三襲仍致仕明輔授正三品散官賞飛魚服三
襲賜勅獎勵仍令鎮巡官宴勞之時政出權倖恩
澤皆由於干請於是郴州民頌世麒征賊時號令
嚴明其上官彭芳等亦頌世麒功乞蟒衣玉帶兵
部格不可乃已麒辭賞請立坊賜名曰表勞會有
保靖兩宣慰爭兩江口之議詞連明輔主者議逮
治明輔乃令蠻民奏其從征功悉辭香爐山應得

陞賞以贖逮治之辱部議悉已之嘉靖六年論岑
猛功免應襲宣慰彭宗漢赴京而加宗漢父明輔
祖世麒銀幣二十一年巡撫陞傑言酉陽與永順
以採木仇殺保靖又煽惑其間大為地方患乃命
川湖撫臣撫戢勿釀兵端是年免永順秋糧三十
三年冬調永順土兵協剿倭賊於蘇松明年永順
宣慰彭翼南統兵三千致仕宣慰彭明輔統兵二
千俱會於松江時保靖兵敗賊於石塘灣永順兵
邀擊賊奔王江涇大潰保靖兵最永順次之帝降

勅獎勵各賜銀幣翼南賜三品服先是永順兵剿
新場倭倭故不出保靖兵為所誘遽先入永順土
官田苗田豐等亦爭入為賊所圍皆死之議者皆
言督撫經畧失宜致永順兵再戰再北及王江涇
之戰保靖恃之永順角之斬獲一千九百餘級倭
為奪氣蓋東南戰功第一云時邀功者方行賞翼
南遂授昭毅將軍已陞右叅政管宣慰事與明輔
俱受銀幣之賜時永保二宣慰破倭後兵驕所過
皆剽掠沿江上下苦之御史請究治部議以土兵

新有功遽加罰失違人心宜諭責之并令浙直練
鄉勇嗣後不得輕調土兵四十二年以獻大木功
再論賞加明輔都指揮使賜蟒衣其子掌宣慰司
事右叅政彭翼南為右布政使賜飛魚服仍賜勅
獎勵四十四年永順復獻大木詔加明輔翼南二
品服萬歷二十五年調永順兵萬人援遼宣慰彭
元錦請備衣糧聽調既而支吾有要挾之迹命罷
之三十八年賜元錦都指揮銜給蟒衣一襲妻汪
氏封夫人四十七年永順貢馬後期減賞兵部言

前調宣慰元錦兵三千人援遼已半載到關者僅七百餘人命究主兵者四十八年進元錦都督僉事先是元錦以調兵三千為不足立功願以萬兵往朝廷嘉其忠加恩優渥既而檄調八千僅以三千塞責又上疏稱病為巡撫所劾得旨切責元錦不得已行兵抵通州北聞三路敗衄遂大潰於是巡撫徐兆魁言調永順兵八千費踰十萬今奔潰虛糜無益罷之

侯氏永保總說云

侯氏名加地明辰州府推官哨會輯辰志後凡言侯氏並同

所之後附以土司蓋為永保封疆與沅瀘接壤而表裏營哨先年大征諸苗直指奏聞以各該苗寨分責各土司官承管又永安強虎洞口箬子四寨撥有土兵亦既煩歲餉矣初保靖請設衛官二員一曰清水堡官一曰坐鎮官後堡官以冗員裁去之永順至隆慶間亦循例請官坐鎮司屬有經歷都事吏目皆流官原非無事事者今皆亦視為冗員也苗彞雜處所賴道臣控駕於上防範而彈壓之漢土並受其福矣又曰永順司禹貢荊州之域

秦屬黔中郡漢為武陵郡地隋為辰州地梁為福石郡唐天授初析置溪州亦為靈溪郡五代時為靜邊都又為大鄉三亭隴西等縣地屬楚王馬氏宋初為永順州及上中下溪三州熙寧中築下溪州城賜名會溪標有銅柱按以銅柱為熙寧時立殊無所據詳辨於後元延祐七年為安撫司至正間改為宣撫司洪武二年內附六年陞永順等處軍民宣慰使司隸湖廣布政司又割新添葛蠻安撫司之南渭州及白崖洞長官司思州安撫司之施溶州臘惹洞麥着

黃洞驢遲洞為二州五長官司復并三溪地置上溪州暨置田家洞又為一州一長官司即今之三州六司也會溪地有巡檢在焉其形勝依山為郡乃四通八達之地其俗短裾椎髻常喜漁獵銅鼓祀神刻木為其域去京師七千三百里東三百九十里抵岳州府澧州慈利縣界西二百二十五里抵保靖宣慰司界南三百一十六里抵辰州府沅陵縣界二百九十里抵永定大庸衛所界廣七百九十里袤九百八十里

麟按侯公所云乃昔時永順全司地境今地則分永順龍山二縣矣其在永順者舊為南渭上溪施溶三州田家洞麥著黃洞驢遲洞臘惹洞施溶洞五長官司其在龍山者舊為白崖洞長官師并土司自設之馬羅洞長官雖今昔縣屬不同總為永順司地境也惟所言熙寧時築下溪州城賜名會溪標有銅柱之說不能無疑查銅柱乃晉天福中楚王馬希範因彭士愁降附盟誓所立其文甚明再考銅柱文云因六子以

分居入五溪而聚族疑即指俗傳高辛氏有犬名盤瓠因得吳將軍首級有功配以少女盤瓠負走南山生六兒六女自相婚配為五溪蠻人之祖也廼前縣李竟以六子分居為彭士愁之子見諸詳議刊載志乘不可不辨第盤瓠負女之說亦似指斥太甚恐當時既已盟好未必用此為笑且事不見經傳姑以闕疑可也

附三土知州六長官師沿革

南渭州古諸蠻地秦屬黔中漢屬武陵唐為富州

五季為靜邊都大鄉三亭隴西地宋為中溪所元因之先是新添葛蠻安撫司至明洪武三年內附改陞南渭州

上溪州古諸蠻地秦屬黔中漢屬武陵唐置溪州五季為靜邊都宋為溪州元為白崖洞安撫司明洪武三年內附改陞知州
驢遲洞長官師古諸蠻地秦屬黔中漢屬武陵唐

為溪州五季為靜邊都大鄉三亭隴西等縣地宋為下溪州元時向達迺踵向爾莫踵為洞民總管明洪武三年內附改陞為驢洞長官司

臘惹洞長官司古諸蠻地秦屬黔中漢屬武陵唐為溪州五季為靜邊都大鄉三亭隴西縣地宋屬下溪州元洞民總管向孛爍長其地明洪武間向世貴內附陞為臘惹洞長官司

麥着黃洞長官司古諸蠻地秦屬黔中漢屬武陵唐為溪州五季為靜邊都大鄉三亭隴西等縣地

宋為下溪州元因之以黃麥和踵陞長官領其地
明洪武三年黃麥谷踵內附
施溶洞長官司古諸蠻地秦屬黔中漢屬武陵唐
為溪州五季為靜邊都大鄉三亭隴西等縣地宋
為下溪州元因之汪良任會溪巡檢司巡檢明洪
武三年內附陞施溶洞長官司領其地
田家洞長官司古諸蠻地秦屬黔中漢屬武陵唐
為溪州五季為靜邊都大鄉三亭隴西等縣地宋
為下溪州元因之田勝祖為洞民總管明洪武三

年內附陞為田家洞長官司
白崖洞長官司古諸蠻地秦屬黔中漢屬武陵唐
為錦州五季為靜邊都大鄉三亭隴西等縣地宋
為上溪州元因之張那律為洞民總管明洪武三
年內附改陞白崖洞長官司
外土司自設
馬羅洞長官司古諸蠻地係飛旂馬羅二姓古老
蠻民也與荆南諸司接壤於明嘉靖間秦施溶州
舍田滋為巡邊總管歷年久諸隣交睦邊民愛戴

遂授長官世職彈壓此土蓋係自設故未及請印
與六長官司同列

麟按土司舊志三州六司先明各設土職知州

長官給以印信並設流官吏目及土吏一名頭

目洞老十名隸兵八名正德間始裁吏目嘉靖

時上官又自添馬羅長官

國朝仍為三州六司每司有土百餘里分地子民

而統轄於總司宣慰使亦猶內地之郡縣也改

流後乃分隸永龍二縣今就舊志所載附錄於

此以脩參考又查土司舊志載五代梁開平間

授彭城溪州刺史是為永順始祖者彭城也

原籍江西吉安府吉水縣又土人云永順地先

為土蠻吳着送世業因着送久延彭氏助理彭

以私恩得人心日漸強盛遂謀逐着送着送奔

猛尚猛尚即今永順建城處彭復率眾擊之着

送敗走樂大樂大地在今龍山境僅守一隅時

有慢水向姓歸彭氏慢水地名今屬龍山彭乃

令合攻着送及彭向夾攻着送勢窮遁入樂大

吾山 土人云山最高且險週圍石壁中通一徑

非板援不能至上有坪有池池水清冽畜鯽魚

魚身生綠毛以人跡罕到故也內有吳着送舊

址麟按土司舊志所載畧與地同但止云樂大

山缺吾字耳竟困斃其處彭氏遂以樂大之地

酌向氏至今子孫世守之後着送陰靈作崇彭

氏懼乃建祠以祀今祠尚存舊司城土人報賽

亦必及之云信如斯言是永順始於彭又實始

於吳也第未知所據姑附錄之

坊里

永順各鄉在土司時為五十八旂曰辰利東西南

北雄將能精銳愛先鋒左韜德茂親勲策右畧靈

通鎮蓋忠武敵雨星飛義馬標衝水戰湧祥龍英

長虎豹嘉威捷福慶凱旋智勝功以七字為句每

一字一旂共五十六字為五十六旂後添設請謀

二字共為五十八旂此外更有戎獵鑲苗米房吹

鼓手六旂伴檔七旂長川旂散人旂總管旂旂各

有長管轄戶口分隸於各州司而統屬於總司有

事則調集為軍以備戰鬪無事則散處為民以習耕鑿今割南北兩旂之地歸桑植將辰東雄將銳愛鎮武標戰龍威各旂之半并先鋒韜茂策通蓋飛馬勇祥虎捷慶旋勝等旂歸龍山其在永境者則辰東雄將銳愛畧鎮武標戰龍威各旂之半并西能精德勲靈忠敵星義衝水英長豹凱智功各旂也又福字一旂則係官土宗族散處各鄉今分屬永龍兩邑

永順闡閩後建郡城於猛崗商販踵至闡閩列肆者

分布於城內外漸創街坊之名其在城內者十餘處

興隆街 東門內

清寧坊 縣前街

忠孝坊 縣署左

署左

威鎮坊

興仁坊

興化坊

老街 以

上俱城中

永興坊 小西門內

拱宸坊 北門

內

忠義坊

關帝廟前

威靈坊

府城隍廟前

顯應坊

縣城隍廟前

文明坊

府縣文廟前

城外六處

新街

五通街

吉祥坊

後街

通浦坊

以

上東門外

來儀坊

又西門外

附舊司城街名七處今去郡城三十里土司時舊有街坊之名

新街 左街 河街 魚肚街 馬蝗口 九

聖街 東門街

各鄉原共分一十八保

猛崗保 離城九十里 內白砂保 離城六十里

外白砂保 離城九十里 內塔臥保 離城一

百里 外塔臥保 離城九十里 內顆砂保 離

城八十里 外顆砂保 離城九十里 內龍爪

保 離城八十里 外龍爪保 離城一百三十里

上榔溪保 離城八十里 下榔溪保 離城五十

里 施溶保 離城一百二十里 功全保 離城

一百三十里 冲正保 離城二百三十里 西

英保 離城二百里 羅衣保 離城一百八十里

王家保 離城一百里 田家保 離城一百二

十里

乾隆七年奉 各上憲檄飭清保甲知縣王伯麟

親歷鄉城查點將本城內外及四鄉各保共編為

二十字號城內外分為城廂二字鄉十八保編為

時和世泰人壽年豐正德利用厚生萬邦咸寧一
十八字

城內城字號
城外廂字號
猛尚保時字號

內白砂保和字號
外白砂保世字號
內

塔臥保泰字號
外塔臥保人字號
內顆砂

保壽字號
外顆砂保年字號
內龍爪保豐

字號
外龍爪保正字號
上榔溪保德字號

下榔溪保利字號
施溶保用字號
功全

保厚字號
冲正保生字號
西英保萬字號

羅衣保邦字號
王家保咸字號
田家保

寧字號

市村

王村市在縣南離城九十里上通川黔下達辰

常諸處為永郡通衢水陸碼頭凡進城貨物必

於此處僱夫背運設施溶州巡檢一員并外委

一員駐劄於市同對岸千總一員專司巡緝建

有倉廩貯穀並建有公館一所

舊司城在縣東離城三十里乃土官世居之所

其創建年月世遠無徵凡土司衙署宗堂悉在
城內舖店頗多街坊七處詳前坊里條雍正二

年設同知一員駐劄於此七年裁改今設把總

一員駐劄巡查今改設萬民岡

顆砂 在縣東北離城四十里人烟繁盛景物清

幽又有曲水流觴雙松掩映實永邑勝地原任

宣慰使彭肇槐於雍正二年遷建衙署於此改

土初永順城郭未建郡守與邑宰俱駐劄焉

西壩湖 在縣東南離城八十里為永定大庸各

路往來要區人烟輳集田壤環繞客民列肆其
間亦永境中宏敞者今遷設外委一員

列夕 在縣西離城八十里自王村以上進猛崗

小河往來行舟多泊焉民居羅列商販聚處桐

油香油雜油桐子藥材等貨於此收買亦要區

也

十萬坪 在縣東北離城八十里為桑植要道居

民稠密商賈往來田土膏腴遠山環秀

杉木村 在縣東北離城一百二十里為桑植九

谿要道民居環聚竹木交蔭葱蔚可觀

勺峪 在縣西離城二十里為龍山要道河流中

演人戶夾岸而居林樹青蔥楠木桐木多產其

內今已搜盡

旦武營 在縣南離城一百五十里為乾州要道

逼近鎮筸永綏各紅苗最為緊要原設把總一

員帶兵五十稽查防範營房之外闌闌數間米

鹽布疋貨遷有無其值最昂故貨亦不缺諺云

價高招遠客信然

古仗坪 在縣南離城一百三十里四面高峯疊

嶂中開一坪永順府同知衙門駐劄其地溪流

環繞綠柳垂蔭差可人意但地連鎮筸最近紅

苗官署孤懸旁僅店舍數間後之策邊者尚宜

留意

田家洞 在縣南離城一百里為苗洞總路居民

聚集重崗疊嶽亦要區也

百樓關 在縣西南離城一百二十里路通保靖

新關官道直達省會民居稠密峯巒高聳

店房 在縣西北離城七十里路通龍頭里野直
達川省酉陽黔省銅仁等處居民衆多商賈出
入誠要地也

夾樹坪 在縣西離城五十里係保靖往來之地

烟火連綿竹木蒼鬱乾隆五年知縣王伯麟捐
建公館於此以備當事者往來

李家坪 離城五十里為桑植茅崗往來要道地

勢平敞竹木成叢設有外委一員防汛於此
今改設西壩湖

自生橋 在縣東離城三十里兩岩夾澗橫石如
梁故云自生橋即土司八景之一所謂石橋仙
洞也

形勝

野毛關 在舊司城東一百七十里

榔溪關 在舊司城東南一百八十里

百丈關 在城東石巖對峙中有小峽流泉湍急

大坪關 在天門山南通辰沅之要道

龍伏關 城東五十里

飛霞關 城東六十里尖峯插天路通顆砂永定
龍爪關 此下二條照土司舊志補入 距司治東

二百里在青天坪之前與大庸所後坪楊林為
界前臨五溪河源

紙蓬關 在司治三百里稻羅洞乞車地

永順八景 詩載藝文

玉屏煥彩 城北十五里其山自千餘里奔騰而
末頓起土星如玉屏開障起五峯落平陽後起
小屏為郡城之靠每日日出光彩煥然

文峯擁秀 在城南二十里三峯特立中峯尤秀

榜岫雲晴 在城西二里名掛榜山雨霽雲開光

華絢爛

福嶺霞蒸 在城東十里許每日出霞氣鬱蒸

龍洞朝雲 城東飛霞山半有深洞俗傳有龍居

之朝雲起即大雨屢驗

雙溪夜月 城東西二溪水夾城而流至南門交

會入沅江每月明視之雙輪照射

河港溫泉 城南十里河港沸出溫泉澄潔如玉

連橋新市 城東半里許溪流濶深新建二橋覆以亭瓦商民列市煙景如畫前郡尊袁題額一

雙曰迎恩一曰太平

靈溪十景

照土司舊志補入

詩載藝文

福石喬木

在福石山之側萬木成叢四時皆翠

雅意甘泉

在河西岸即甘泉

繡屏拱座

詳繡屏山下

玉笋參天

在司北岸山形矗立似笋

石橋仙渡

即自生橋空敞處昔建有亭其北有

山洞浮於水面僅二尺許遊人俯伏於舸中負洞底穿出水深莫測潺然震聲如雷人多憚焉相傳云下有蛟龍潛伏於此

翠窟晴嵐

在繡屏山之右天將霽必先呈嵐

羊峯毓秀

詳羊峯山

龍洞鍾靈

即水府閣側龍洞

榔溪夜月

見榔溪條下

銅柱秋風

見古蹟銅柱下

顆砂八景

照土司舊志補入

詩載藝文

奇峯聳碧

見斗泉

晴野流雲

在顆砂南橋三里有巨池昔曾畜鯉

子諸魚當天際雲氣流遶影映池內故名

北嶺樵歌

在顆砂北凡樵採者羣歌於嶺若與

鳥鳴相和故名

東江漁火

見松雲潭

竹橋吟眺

見顆砂竹橋

松塢碁聲

在顆砂古篆碧水前左右植羅漢巨

松二株盤旋如華蓋每值風生聲若敲碁

平川霽月

在松塢碁聲之左一派寒泉自平川

而入遇晴霽之夜川水澄徹月色最佳

老圃含香

在顆砂署側有圃植老梅

山川

蟠龍山

城南八十里山峯高聳蜿蜒如龍上建

真武廟雨暘叩之多應

飛鳳山

城東北三十里兩峯插立儼如鳳翅故

名

太陽山

城東八十里高出諸峯日升於頂宛若

扶桑

玉屏山

城北十五里圍環空立如屏即八景之一

飛霞山

城東二十里上有飛來石閣棟宇門戶

若神工

觀音山

城北十五里左有巨石右有玉泉其味

甘

旗鼓山

城南五十里三峯並峙左形似旗右狀

如鼓中若文筆點天

福石山

城東南三十里在司治後即華蓋山巔

然插雲古木森陰

壽德山

城東南三十里在司治左

祿德山

城東南三十里在司治右

麟按福祿壽乃三座山名查前縣李創修志書

合福祿壽為一山又謂後即華蓋山恐考查未

的耳

太平山

城東南十里高大雄偉為東方巨障

繡屏山

城東三十里舊司志前六峯並峙拱抱

如屏靈溪十景所謂繡屏拱座也
錫帽山 城西三十里形如帽頂有古樹一株四

時青翠人稱為錫帽插金花

高望山 城西一百五十里高插天半登陟遠望

一目千里

天馬山 城東南三十三里昂首平背如馬聳立

心印山 城東九十里平敞中復拱一山狀如覆

鐘

羊峯山 城東八十里奇峯特出險峻難登即靈

溪十景之羊峯毓秀也

將軍山 此下照土司舊志補入 在福石山之右四

山圍繞若將軍獨立其上彭元錦建祠於頂以

祀關帝又建江湖廊廟公署及若雲書院於坪

紗帽山 在司治西北岸形如紗帽四時有花草

相傳云此花草榮茂異尋常則 朝廷有榮典

雲靄山 在司治東南九十里巒峯雄峙橫亘插

天路由頂下迂迴百折俯視羣山羅列其足

賀虎山 在司治東八十里昔曾捕獵於此殺一

虎泉皆智遠名賀虎山其坡其溪亦因以名

野猪山 在南渭州治南十里山多野猪故名

岩屋山 在南渭州治東十里有洞如虛堂可容

百人

高仰山 在上溪州其體最高遊者必仰視乃得

見

拜天山 在驢遲洞土民每祈禱登高而拜多有

應

和尚山 在驢遲洞有石狀如僧頂

蘇木山 在驢遲洞產木可染紅紫土名隙合苦

岩蜂山 在驢遲洞有岩蜂釀蜜故名

黃連山 在驢遲洞多產黃連木故名

岩人山 在驢遲洞土名農那必生有石狀如人

鴉噪山 在臘惹洞多竹木鴉常集之故名

蘭蕙苦山 在臘惹洞多蘭蕙土名洛送苦

桂竹山 在麥着黃洞治六里許山多桂竹

水田山 在麥着黃洞東八里上有泉可流灌數

十里因闢成田

駱駝山 在漆着黃洞有獸如駱駝常出故名

三鎗岩 城東一百六十里永沅交界處岩尖有

三如金鎗

奇峯山 在司治西北二十里一山直如筆高插

雲表人不可上其下為斗泉

龍洞山 城東北內有物如驢時或出見見則年

豐舊司城南四里瀑布如雲相傳龍居其中土

人祈雨最應即靈溪十景之龍洞鍾靈也

臘惹洞 城東南六十里泉出洞中歲旱祈雨即

應

若夕洞 城南十里許石崖橫江舟楫難行今已

修鑿

春容洞 城東河六里一洞屹立水漲浪高礙難

行舟今已修鑿

打洞 大河三十里叢石陡險浪激如雷今已修

平河通舟楫

老虎洞 城大河六十里巨石湧流水噴如吼故

名

福石洞

此下照土司舊志補入

在司治西南四十

里即福石坪為本司古老六大洞之首

寶瓶洞在司治東南五十里即古老六大洞之

二

西古洞在司治西南九十里即古老六大洞之

三

賀三洞在司治西北七十里即古老六大洞之

四

納溪洞在司治東南四十里即古老六大洞之

五

麟按六大洞之五為瑣峩洞以分屬龍山境故

畧

三門洞在南渭州治東五里江中有三大石對

立如門故名

犀牛洞在臘惹洞相傳有犀牛常現於此

煞氣洞在麥着黃洞司治北五十里許洞上若

氣烟起主動刀兵

猴兒洞在麥着黃洞司治東南六里許四面石

竅相通，穴其內。

響水洞 在麥着黃洞司治半里許，水自深山流出，注於此北江，激石聲響如雷。

教場坪 在司治西二里許，土人常於此處演武。

搏射坪 在司治西北五里地，寬敞，土人每於此搏射。

搏射 在司治東南九十里，上有石屋，可容百人。

送答茄

土俗稱山亦曰茄，下同。在司治東南龍洞後，高險陡峻，羊腸鳥道。

青天坪 在司治東九十里，上有石屋，可容百人。

送答茄 土俗稱山亦曰茄，下同。在司治東南龍洞後，高險陡峻，羊腸鳥道。

若送茄 在天馬山後四維，高聳。

卸吾 土俗稱山亦曰吾，下同。在司治東南七十里，山最高險，昔曾為岩柵，久廢。

岩納吾 在磚砌坡山，甚高。

卸吾 在羊峯山之巔，古有岩，今廢。

那齊河 城大河四十里，巉石橫水，今已修平。

猛崗河 自桑植中建司發源，通王村大河，迂迴曲折，中多巨石，舟楫溯流而上者，必用扛擡，今已修濬，才勢畧平。

已修濬才勢畧平

地輿志 山川 四古

五溪河 戎 南自青天坪流出經龍爪關通大

庸所後坪土平之田實資灌溉焉

柳溪 城東南四十里兩山並峙一水中流即靈

溪十景之柳溪夜月也

施溶溪 城東南一百二十里出王村達北江

靈溪 舊司城迴抱如帶出王村達北江

白砂溪 舊司治西南有連雲坡左右兩泉自山

迸流合而為一入靈溪

羅衣溪 舊司治東南一百六十里源自高望山

流出入北江

會溪 舊司治東南一百七十里五代晉時楚王

馬希範立桐柱於此

納溪 此下照土司舊志補入 在司治東南五十

里即本司古老六洞之納溪洞也

免車溪 在司治西南二百里源自免車順流至

舖土巴入北江與保靖惹巴坪分界

撲猴溪 在驢遲洞人多於此捕獵故名

野猪溪 右 着黃洞東三百里多野猪故名

洗甲溪 在 着黃洞司治西昔土人奉徵調即於此磨鎧甲故名

龍潭 有二一在靈溪下流一在雲靄山下又名弄谷土司舊志載宋季土司彭允林建治於此遺址尚存

溫潭 有二一在猛崗河一在上溪州其水溫熱如湯冬月可浴在猛崗河者即八景所謂河港溫泉也

呂公潭 城北三十里原建祠於岩上祀呂祖今

廢

箭潭 在王村北流下相傳昔有人射透石壁今

箭猶存

松雲潭 此下照土司舊志補入 在司治西北三

十里有亭名醒心亭有屋曰安壽山房其岸西石壁刻松雲潭三字右石壁勒東江漁火並年月即顆砂八景之一

虎頭潭 水最深有石虎頭

鬼灘 在會 其灘險而怪故名

茨灘 城之 五十里浪湧濤飛洶險異常

鳳灘 城東南百六十里水中石若飛鳳灘長約

六七里浪濤奔騰如箭有頸鳳二鳳三鳳之名

其險異常

順江灘 在北江自施濬溪順流而下故名

甘泉 城東三十里自岩縫流出清濈甘潔四時

不涸即靈溪十景所謂雅意甘泉也

斗泉 城西北五十里青峯聳碧清流疊湧石上

勒斗泉二字

飛泉 城東南七十里急流飛瀑望如珠簾

白水泉 在麥着黃洞司治西南一里許懸岩瀑

布下注北江

井 顆砂等處相傳有鹽井為前土司封禁令訪

求之竟不得

八桶湖 在司治西三里土司前代宗祖多葬於

此

聚龍湖 在司治東四十里雲南右布政使司彭

翼南墓此 遷壽德山今石牌坊並橋尚存

天乙池 在平山頂右相傳昔鑿貯水以壓司

治熒星後池竭屢有回祿患

射圃池 距司治五里彭宏澍鑿

高峯池 在高峯舖前池甚廣濶聞昔開鑿以畜

金魚者

天池 在司治東四十里聚龍湖之東毛土坪池

樣如月昔嘗有巨魚又名天堰

月樣池 在雅草坪太平山脚池如月樣

蓮池 在釣磯公署後二池出蓮分紅白兩種

古蹟

銅柱 在城南施溶之上王村之下與會溪對岸

昔五代晉時楚王馬希範與彭士愁設盟所立

高一丈二尺重五千斤上有銘記學士李宏臯

撰載藝文

老師岩 在城東南五十里高岩懸壁似人形相

傳有巫師求雨至此頃刻雷電交加風雨大作

巫忽印身於石披髮伏劍宛然如生至今禱雨

屢驗

仙人洞 在羊峯山下相傳每見仙人出入凡人
有宴會具帖於洞口乞借仙人酒器輒與之後
有隱器不還者洞遂閉

仙人舟 在南渭州河岸石壁空中懸船一隻相

傳仙人遺跡至今猶存

女娘洞 在施溶地相傳昔人祈雨見一婦績於

洞口旁置瓶巫者率土人鳴鑼吹角而上婦怒

擲瓶下雨即隨瓶至

茄灑土 此下照土司舊志補入

在司治東南十

里靈溪河南岸懸岩絕壁有一石洞洞門高敞
相傳古之士蠻長吳着送曾於此曬鎧甲至今
橫木尚存有欲攀援而上者將近洞中尺許雷
電忽作風雨大至惶懼而返

羊峯城 在羊峯山下相傳古於此建城後徙去

惟斷磚殘址存焉

下溪州城 在會溪宋時築久廢

仙人棺 在南渭州岸壁一空內懸棺一具相傳

仙人所 今尚存

物產

穀米類 稻 黍 麥 蕎麥 菽 粱 秫 芝

麻 糖子

蔬菜類 白菜 蘿蔔 紅白二種 苦蕒 苜蓿

萬苳 油菜 山甜瓜 芥 莧 茄 筍

葱 蒜 韭 蕪荳 莢 薑 蕨 瓜

果類 桃 李 梅 梨 杏 柿 柑 橘

棗 白果 枇杷 楊梅 櫻桃 石榴 栗

子 葡萄 郁李 木瓜 胡桃 荸薺 菱

天藕

花類 蘭 菊 紫薇 薔薇 芙蓉 雞冠

金鳳 玉簪 紫荊 山茶 木槿 芍藥

龍爪 粉團 梔子 牡丹 百合 艷山紅

剪春蘿 茉莉 月月紅 海棠 葵花

地棠 綉球 金錢 扁竹花 金銀花

草類 通草 鳳尾 芭蕉 馬鞭 益母 浮

萍 香草 艾 蘆 藍 蓼 蘋 蒲 艷

容草

木類 松 楓 槐 杉 柳 楊 桑

楠 椿 樟 桐 檀 榆 黃楊 皂莢

楮 棕 白竹 實竹 紫竹 苦竹 金箭竹 斑

竹類 南竹 叢竹 鳳尾竹

藥類 澤蘭 黃蘗 黃精 粉葛 車前 山瓜

香 牽牛 茱萸 山梔 何首烏 蒼耳

天花粉 赤芍 土牛膝 薏苡仁 獨腳蓮

厚朴 常山 五倍子 石菖蒲

鱗介類 鯉 鯖 鱧 鮒 鮠 鮓 鮓 鮓 鮓 鮓

魚 鮑魚 龜 螺 蚌 蝦 枇杷魚 魷 魷 魷 魷 魷

穿山甲 穿山甲 穿山甲 穿山甲 穿山甲 穿山甲 穿山甲 穿山甲

羽類 雉 鳧 鴉 燕 鳩 鵲 鷺 鷺 鷺 鷺 鷺

子 百舌 子規 畫眉 山鷓 叫天 鶴

鴿 竹雞 布穀 鷓瀨 水雞 錦雞 黃

鷓 蠟嘴 鸛 八哥 白鷗 鸞 鸞 鸞 鸞 鸞

翁 雞 鴨 鴿

白頭

白頭

白頭

白頭

獸類 虎 馬 騾 驢 牛 猪 羊

猫 狗 熊 獐 麂 兔 鹿 狸 猴 麝

野牛 野猪 豺 狼 獾 水獭 熊 黃

布帛類 白土絹 土布 苧麻布 山絲被 土綾 蘇

斑布 鐵洞巾 黃蠟 桐油 蜂蜜 紫草 皮紙

雜貨類 山葛茶 靛 絲 木耳 鐵 炭 石

棉花 洞酒 灰 鐵 洞 酒 鐵 洞 酒

鐵 洞 酒 鐵 洞 酒 鐵 洞 酒

